

欽定剿平粵匪方略

欽定勦平粵匪方略卷一百六十七 丙辰年

十二月初一日

甲申

德興阿翁同書奏言據安勇

等報稱湯泉等處敗匪多竄江浦城內卽帶領官兵於二十日進攻適富春等由六合帶領馬隊亦至當卽分路進攻官兵人人奮勇越過濠溝突由西門出賊數百人我軍連壓三次復佯退引入平地經馬隊從陣後抄出絕其歸路賊

蒼黃無計棄械狂奔我兵跟追斃賊無算正擬
撤隊忽南門出賊千餘名來撲官兵折回迎擊
又經馬隊旁抄入陣賊勢不支奪路逃回步兵
槍礮攢擊計陣斃賊匪四五百名燒燬卡房五
座奏入報

初二日
酉乙
載增富森奏言據報十一月初九日

下游襄陽匪衆復竄老河口盤踞勢甚猖獗署
總兵德恩已紮營老河口對岸李家洲當覓船
渡河會同水師鄉團進攻於十三四五等日開
仗該賊彊擁來撲我軍前後抄截兩路夾攻莫
不奮勇出力鏖戰三日合計先後轟斃殲斃賊
匪共二千餘名內獲匪首邱添祿僞元帥楊玉
奎雷政洪劉輝基僞總制胡友明僞監軍華潰

集三身圖本略卷一百二十一
二

偽指揮雷政富偽司馬王新八名均卽正法其
由水陸逃竄匪徒經礮船團勇分擊殆盡當將
老河口克復查老河口屢被蹂躪此次痛勦三
日之久匪膽已寒亟宜乘勢追捕以絕根株奏
八

諭內閣曰官兵克復老河口大獲勝仗辦理尙屬得
手著該署將軍等迅飭帶兵將弁將零匪搜捕淨盡

毋留餘孽所有前次殺城光化二處勦賊出力員弁
兵勇著載增等分別奏請獎勵

初三日

丙戌

和春奏言據余萬清咨呈十一月初

八日督率副將站住等帶領兵勇分路進攻鎮
江府城及城外賊營並於山坡下設伏余萬清
往來策應攻擊未久東北二門及南水關各出
賊千餘人分途衝撲官軍迎頭攔擊且戰且退

誘至山坡余萬清揮令伏兵一齊衝出斃賊無數餘賊敗奔入巢追至城邊城上連開大礮仰攻多時約斃賊四百餘名兵勇間有受傷十七日探得瓜州賊船紛紛渡江糾合鎮逆來犯當令吳世斌等帶領兵勇分攻東北二門站住等帶勇由隄陞繼進巴棟阿等率領旗綠官兵由江邊進攻甘露寺北固山王瑞圖等帶兵勇於

南門一帶設伏未幾東北二門南水關江邊各
出賊千餘名分路來撲吳世斌等連開槍礮直
前衝殺逆屍枕藉其向南門逃逸者經王瑞圖
伏兵截殺多名又據傅振邦虎嵩林稟稱十一
月初三日溧水賊匪由東門突出千餘人窺伺
我軍營盤飭副將魯占鼈等帶兵出勦虎嵩林
督兵抄截賊後殲斃甚多該逆漸卻適東門出

賊數百來援西北二門又同時各出賊千餘名
傅振邦督同李定太張玉良虎坤元周天培托
克通阿龍正耀鄧聯科馬騰霄率馬步隊分路
迎勦斃賊甚多該逆抵死不退傅振邦親督各
軍奮力衝突馬隊兩面抄擊將賊衆截爲兩段
兵勇分路擊殺賊始敗退十四日逆匪在溧水
城外西北角添挖外濠意圖築壘傅振邦虎嵩

林督同官兵分途攻擊趕緊填濠賊見我軍大至卽棄鋤鋤而逃兵勇追殺十數名適西北門突出二三千人分股來撲魯占鼐李定太帶兵迎截張玉良等分襲其後托克通阿等帶領馬隊左右圍抄兵丁王起發首先衝入賊隊立斬執旗賊目二名餘賊驚潰分路敗逃十六至十九等日連次進攻疊有殲擒臣仍飭趕緊進軍

力圖克復奏八報

初六日己丑官文奏言刻下武漢肅清興國大冶

等屬及黃郡一帶匪黨亦經分派李續賓都興
阿孔廣順方映川等分岸星馳下勦水師楊載
福礮船續進並調羅田麻城等縣團練以助兵
力直擣黃州務將下游郡縣次第收復儻蒙

皇上如天之福事機順利由九江入皖而達金陵掃蕩
逆氛曷勝愉快此次克復漢陽出力人員謹先
行開列懇

恩分別獎勵奏入

上諭內閣曰漢陽久被賊踞經該大臣督率水陸帶兵
各員攻克堅城懋著勞績自應量予恩施江甯將軍
都興阿著賞給霍欽巴圖魯名號湖北按察使李孟

羣著賞加布政使銜以布政使遇缺提奏已革荊州將軍綿洵著開復原官卽行赴任已革提督孔廣順已革總兵訥欽均著開復原官候旨簡放副都統銜協領巴揚阿副都統銜乾清門頭等侍衛克興阿均著交軍機處記名以副都統簡放巴揚阿並著賞給伊勒固爾巴圖魯名號黑龍江委營總佐領巴克坦布著以額外協領儘先補用並賞戴花翎陝西延綏

鎮總兵楊昌泗著賞加提督銜副將王國才顏朝斌
均著賞加總兵銜交軍機處記名遇有總兵缺出請
旨簡放升用副將侯鳳岐著免補副將交軍機處記
名遇有總兵缺出請旨簡放三等待衛奕榕著賞給
頭等待衛知縣黃培基著賞換花翎員外郎銜李玉
田著賞加知府銜其餘在事出力文武員弁兵勇並
武昌出力人員仍著官文等查明保奏

官文又奏言臣周歷漢陽漢口兩岸後十一月
二十六日至武昌省城沿途目擊老弱男婦飢
困情狀當飭地方官購米搭棚妥爲撫恤是日
申刻據都興阿孔廣順楊載福等稟稱於二十
四日同李續賓克復武昌縣城其樊口一帶賊
匪悉數擒斬水師礮船卽由武邑直抵黃州連
日進攻縱火焚其卡壘於二十五日攻克郡城

聞

殺賊無數餘匪竄往蘄水下游等情臣現將孔
廣順所部留守黃郡其餘馬步各軍交都興阿
統帶會同楊載福李續賓水陸兵勇分南北兩
岸跟蹤下勦務殲羣醜速清楚境奏入報

同日

上諭內閣曰湖北武昌漢陽兩城疊被賊踞附近各屬

亦多被擾之處現經官文等督兵克復城池地方漸就肅清閭閻當兵燹之餘元氣尙難遽復自應亟籌調劑以恤民艱著官文胡林翼卽將武昌漢陽兩府屬被賊擾害地方錢漕正雜各項應如何分別蠲緩迅速查明具奏其被難貧民亟應籌款妥爲安撫並著遴委委員迅速查辦該督撫務當悉心籌畫俾無一人失所以副朕軫念民依恩膏速沛至意

臣等謹案德惟善政政在養民我

文宗顯皇帝軫念民依痾瘵在抱每恐一夫失所常存
已飢已溺之思前者匪踞武漢荼毒生靈雖
經攻克而瘡痍未復民困難蘇是以

覽奏章立降

旨卽飭地方大吏分別被擾重輕蠲緩錢漕並令籌
款安撫窮黎此誠體

天出治仁以育衆之道也豈獨武漢兩郡感戴

生成已哉

初八日

辛卯

官文都興阿楊載福胡林翼奏言臣

胡林翼檄飭水陸各營交署提臣楊載福候補
道李續賓總統於十一月二十三日分三路追
剿一軍由審灣東興洲進一軍由雞窩胡家墩
進一軍由魯家巷葛店進各有斬擒賊遂左右

亂竄我軍沿途搜殺及於樊口賊爭先渡水急將浮橋燒斷其未及渡者又殲四百餘名敗賊復糾武昌縣城之賊踞城西之山岡以圖抗拒李續賓率勇夜造浮橋乘勢攻取橋成而楊載福水師亦至李續賓率各營以攻賊壘李濟清率水師以攻城北水勇登岸齊力攻城隨由北門攀躋而上李續賓率陸勇由西門入賊卽由

東南門竄出諸勇由羊欄湖追殺十餘里而返於二十四日克復武昌縣城武昌縣對江爲黃州府楊載福率水師先於二十四日申刻將黃州城下賊船盡行焚奪李續賓令各營於四更渡江二十五日賊見水師泊岸不虞我陸師之夜渡也遂出賊二千餘人撲我水軍待其離城較遠伏勇突起賊衆大亂不能入城我軍縱橫

衝擊守城之賊驚惶無措水師亦繞道上岸從
下游入城於二十五日立將黃州府城克復至
武昌縣城逸賊經參領富新等率各營馬隊於
二十四夜東下窮追李續賓於二十六日仍由
黃州渡江進勦興國大冶卽擬直入九江楚境
似可剋期肅清此次兩日之間追勦二百餘里
連復府縣兩城實由馬隊將領踴躍用命而道

員李續賓參領富新等忠勇冠軍尤屬可嘉在
事出力員弁兵勇可否容臣查明保奏署武昌
縣知縣林之華武昌汛把總方寅山隨同克復
縣城可否免其治罪仍請革職留任以觀後效
出自

鴻慈奏入

上諭內閣曰官軍追勦賊匪獲勝克復武昌縣黃州府

二城現在富新率馬隊東下窮追李續賓進勦興國
大冶楚境卽可一律肅清著胡林翼等乘勝進攻盡
殲醜類在事出力員弁著胡林翼查明奏請獎勵署
武昌縣知縣林之華武昌汛把總方寅山隨同克復
縣城均著免其治罪仍革職留任以觀後效

同日曾國藩文俊奏言自琳潤續帶閩兵抵建
與省城之贛兵龍泉勇合紮北路建勇亦自新

城回軍駐紮西北兵力較厚八月二十一至九月十三等日疊次攻勦均有斬擒自九月十七日撫州李元度之營被賊撲陷賊燄頓長建昌之局勢爲之一變據何杖張家駒稟稱李元度崇仁之兵撤調貴溪十月初七日賊匪卽入崇仁初十日又陷宜黃前僞監軍冷逆於初九日入金谿又於陷宜黃後擾及楓林神岡大雄關

軍山以偏南豐陷金谿後優及黃獅渡高陂以偏沈溪建郡地界四五十里面面皆賊十五日宜黃出賊二千餘人直抵岱七都十七日至規下距郡城三十里各營議定抽兵赴規下迎勦潛師夜出建營天明已抵規下楊錦斌揮軍掩殺該逆不及措手緣崖逃竄兵勇追勦斃賊百餘何栻等以該逆必不因此一挫遂戢其鋒仍

囑各營面面戒嚴二十一日楓林一路有逆匪七八千人前來張從龍派兵六百名往擊張家駒自帶壯勇三百名堵東路張大雄率贛標兵勇三百名爲接應二十二日行抵距城四十里之大安橋適與賊遇皆爲我軍擊敗正待窮追左右逆匪抄出將我軍衝爲兩段先勝後挫把總蘇廷美力戰陣亡南軍併由東岸紛紛敗退

曾國藩文俊又奏言查石逆於甲寅八月踞守
安慶十一月臣國藩師次九江石逆與羅大綱
同赴湖口救援官軍被挫乙卯春武漢復陷該
逆往來蘄黃一帶調遣賊軍十月由通城竄入
新城招納廣東新附之匪連陷江西數府本年
三月下竄蕪湖等處七月初九復由興國州上
援武昌爲李續賓之師所敗現據各路探報石

逆糾集匪黨十餘萬人前往金陵誓殺洪章二
賊爲楊秀青報讐以臣等愚見揆之如果洪章
勝而石逆敗則投誠乃意中之事若石逆勝而
洪章敗則該逆挾詭詐以馭衆假仁義以安民
方且飛揚自恣未必遽有反正之心臣等曾檄
諭九江賊目林啟容令其歸順又作僞文調瑞
州賊目賴積勅令赴下游均無成效假令石達

開自知大勢已去

天威難犯稽顙投誠則臣等招撫之法當令其立功贖
罪獻城爲質以大局言之北岸安慶南岸九江
該逆之所必爭也以江西言之瑞州臨江爲根
本撫州吉安爲膏腴亦該逆之所不肯輕棄也
能於此六城中獻一二城爲質則可信其真心
歸附臣等立即奏懇

恩施否則外稱歸義內懷叵測臣等亦不敢貪招撫之
虛名弛防勦之實務是否有當伏乞

訓示刻下瑞州奉新兩軍疊獲勝仗勦辦尙屬得手周
鳳山等之師差稱勁旅水師則彭玉麟駐下游
之吳城鎮劉于瀆駐上游之樟樹鎮均甚得力
惟撫建疊控東路空虛臣等惟當嚴飭諸將恪
遵

諭旨先圖攻克數城使該逆無所憑藉奏入

上諭曰爾等主見甚屬允妥勦撫固應並用尤重先勦後撫可隨時審其機宜好爲之

曾國藩文俊又奏言據道員劉長佑等稟稱袁城之賊十分窮蹙於吉安糾合萬餘人齊踞分宜十月初三日夜前隊已到彬江次日我軍出隊下浦以待賊果麴至遂分頭迎擊又人敗之

卷之三十一 二二二

一

初七八等日賊悉數駐紮合山築立土城誓決死戰劉長佑等飛調遊擊田興恕一軍來袁助勦十三日擊賊於下浦賊潰轉守合山十六日蕭啟江田興恕等分三路進破合山賊巢斬奪無算積聚概行燒盡乘勢追逐距分宜僅十三里是夜分宜賊悉數遁去二十三日復有回竄者二十四日劉長佑派隊會勦收復分宜縣

賊援自此絕矣二十七日賊目李能通請劉長
佑軍中乞降十一月初一日遊擊劉培元率兵
列陣楊家山城賊數千由秀江橋擁擁而來我
軍斃賊十餘名乘勝追至城下賊衆大亂初更
時僞檢點黃逆率數十賊由北門出我軍悉其
竄向萍鄉派隊堵禦該逆欲逃無路四更後賊
多縋城出者我師併力攻之肅殺江營勇斬縋

城之賊而奪其索纜八急開北門以納諸勇西
門內應之賊亦啟關以納劉長佑一軍賊悉向
東南冒死突出我軍分路跟追逃賊殄滅殆盡
城內投誠者二千餘人立將袁州城池克復查
湖南援軍圍攻袁州吉臨等處之賊盡銳以救
袁城迨鄂軍圍攻瑞州又盡銳以救瑞城互相
接應我之兵力已疲而賊之負隅如故臣等焦

灼莫名茲幸仰仗

天威袁州克復一郡得手全局自有轉機奏入報

聞

十一日甲午福濟鄭魁士奏言臣鄭魁士奉

旨會同英桂勦辦捻匪自應趕緊起程第桐城賊本兇悍江西湖北賊船連檣而下合之安慶死黨并命赴援南路賊匪縱橫數十里我軍僅有此數

東迎西拒實已力盡筋疲較十日以前更形喫緊臣鄭魁士本紮營前敵若再抽一旅之師必致不能堵禦盡棄前功查有駐紮東關之總兵吉順帶兵五百名署廬鳳道金光飭帶勇五百名均檄飭速往北路以資進勦原派宣化陝甘壽春四川各營責成該鎮道會同珠克登管帶其郝光甲兵九百餘名調赴東關會同扎隆武

嚴防巢縣水陸要隘現在固鎮賊股雖經吳秀等擊退恐其從水路窺伺五河泗州已飭各屬備禦俟該鎮道抵防後卽由鳳屬以次進剿不必汲汲赴亳徒博會勦之名轉致貽誤本境奏
八

上命軍機大臣傳諭福濟秦定三英桂鄭魁士曰前因鄭魁士已抵巢縣特命秦定三赴蒙城與英桂會剿

擒匪嗣因福濟請將該提督留於桐城朕念鄭魁士於蒙宿情形較熟是以允其所請今北路勦匪喫緊該撫復請留鄭魁士似此朝令夕更茫無定見必致南北兩路彼此牽制且所稱不必徒博會勦之名亦未免意存畛域朕豈能因福濟此奏復行改派惟該撫現既派吉順金光筋分帶兵勇各五百名前赴北路與前派鄭魁士帶往兵數尙足相抵所有鄭魁士

一軍著准其暫留桐城一俟麻城克復卽日馳赴蒙
亳不得再有耽延

福濟鄭魁士又奏言上月十四日遊擊于昌

麟

等帶勇前赴桐城臣秦定三督同副將鮑雲翥

等臣鄭魁士督同嵩瑞等分路進攻城內出賊

萬餘人分五股來撲我軍亦分五路迎擊賊勢

潰敗忽有悍賊數十人攔住潰賊臣鄭魁士督

飭遊擊章敬章等跟蹤痛剿斃賊無數 臣鄭魁
士卽調隊分攻烏石岡木魚山賊營協領富和
把總江忠才等奮力搶進各受重傷鏖戰逾時
因逆營死拒未易攻入殲斃賊匪一千餘名十
八日都司黃山吉等帶勇進徧木魚山賊營 臣
鄭魁士密令余兆春等分帶槍礮從旁抄擊並
令麟瑞馬隊直趨賊後三面圍裏乘勢截殺逆

屍徧野營內忽出賊三四千人由山坡繞來嵩
瑞等奮力齊攻殲賊多名賊仍猛撲桂成等衝
入賊隊逆衆驚亂不暇回顧城中之賊復出救
應臣鄭魁士臣秦定三督兵緊攻共斃賊五六
百名查把總江忠才因傷殞命仰懇

聖恩交部照千總陣亡例從優議卹

福濟鄭魁士又奏言賊匪於二十二日乘夜至

桐城向陽門外匯鋪地方紮營三座當令各軍
往勦並知照秦定三帶兵勇在西北山坡下牽
綴城中之賊該逆分路來撲余成蛟等奮勇直
前軍聲雷震復飭嵩瑞等乘勢分攻賊營兵勇
越牆而入殲賊無數立將新築賊營三座踏平
二十四日滕仲武等在匯鋪添築兩營正在鳩
工該逆一由城中一由老營一由孔城後路繞

至分三路夾攻麟瑞等帶領馬步隊分投迎剿將各路之賊擊退二十五日各兵亦乘勝進擣忽有大股賊數千由天林莊一路前來約會城內外老賊併力來撲一面挑濬城河以阻我軍麟瑞等整隊迎擊直至天林莊殺斃悍賊並濬河之賊五百餘名二十七日千總黃安邦等帶川勇繞赴賊營之前紮營該逆見我軍相逼太

皇朝通志卷之二十一
三

甚抵死出撲各將領奮力衝殺斃賊數百名營
亦紮定現再設法督攻以圖克復奏入

上諭內閣曰安徽桐城匪黨勢已窮蹙經官兵前往攻
擊斃賊甚眾著福濟等卽飭文武員弁督率兵勇趕
緊圍攻務將桐城迅速克復毋再延宕藍翎把總江
忠才著交部照千總陣亡例從優議卹

福濟又奏言查廬州府屬各城收復陸路防兵

業已分布所慮巢湖遼闊最易藏奸又兼一水
通江必得戰船數十隻上下巡緝以杜該逆窺
伺之心曾國藩前在江西製造長龍三板等礮
船最爲靈便擬倣照章程妥爲辦理所需洋礮
自五六百斤至二三百斤百餘尊皖省無款可
籌不得不藉資鄰省懇

恩飭下怡良趙德轍於上海關稅內籌款製辦洋礮百

餘尊派員解皖並

飭下曾國藩揀派管帶水師得力將弁一二員帶同工
匠數十名來廬監造俟戰船工竣再募水勇分
布各船認真訓練實於南北軍務兩有裨益奏
入

上命軍機大臣傳諭曾國藩怡良趙德轍曰福濟奏稱
巢湖水面遼闊必得戰船巡緝曾國藩前在江西所

造長龍三板等船最爲得力請飭令揀派將弁帶同
工匠前赴廬州倣照製造所需洋礮請飭怡良等在
上海關稅內撥款辦解等語著曾國藩卽揀派水師
得力將弁一二員帶同熟諳造船工匠數十名前赴
廬州聽候福濟差遣安徽造船尙需時日著怡良趙
德轍屆時於上海關稅內撥款製辦五六百斤至二
三百斤洋礮百餘尊派員解往以資攻剿

十三日丙申官文胡林翼奏言十一月二十五日

我軍分路進剿下游各屬逆賊水陸抗拒楊載福以單舸迎敵分撥長龍三板整隊隨行連日轟燬賊舟無數陸路南岸李續賓由武昌縣進取興國大冶北岸都興阿等率馬步各軍由黃岡直搗蘄水蘄州沿途斃匪無數於二十六七八等日將興國大冶蘄水蘄州四屬先後克復

敗匪竄入黃梅廣濟者極多十二月初一初二
等日都興阿率營總多隆阿等進勦廣濟行抵
蘄州廣濟連界之純陽橋逆衆萬餘直前來撲
我軍四路衝壓斃賊千餘名餘逆潰逃我軍已
紮廣濟境內力圖攻克進取黃梅查黃郡甫復
興國等屬餘匪亟應搜除臣酌留馬步兵勇分
路駐守並派總兵王國才帶兵勇四千人爲都

皇朝通志卷之二
三十一
興阿後路應援據報已抵黃梅一俟廣濟黃梅
得手即可會合李續賓等力攻九江彼時水陸
各軍或全師由潯達皖或分兵會剿江西容卽
相機籌辦

官文又奏言正拜摺間接都興阿咨初二日由
廣濟曹家河進兵殲賊無數餘賊逃散者數千
人都興阿會督孔廣順等兵勇規取廣濟將守

卡守城各賊盡行殺斃於初三日將廣濟縣城克復現在賊勢全注黃梅其孔隴驛小池口等處聯絡賊營二百餘里臣現飭各軍奮力進攻肅清全楚奏入

上命軍機大臣傳諭官文胡林翼曰我兵沿江下勦克復興國大冶蘄水蘄州四屬並將廣濟縣城克復辦理尚屬得手惟該匪尚踞黃梅孔隴驛小池口等處

其勢尙張必須次第剷除又稱俟黃梅廣濟得手力
攻九江或全師由潯達皖或分兵會剿江西此時水
陸大軍勢如破竹必應謀定後戰體察江皖兩省情
形相機進攻務操勝算各處甫經收復尤須妥爲布
置毋令該匪乘間上竄復蹈從前覆轍此次大軍東
下是否胡林翼督兵在前官文在後路接應仍著妥
籌具奏

十六日己亥德興阿翁同書奏言瓜州逆匪自十

一月十八日疊受懲創恐其別施詭計通飭各營嚴爲戒備二十三日玉皇關江岸出賊千餘名總兵鞠殿華帶隊分路兜剿斃賊二百餘名餘賊奪路竄回其西岸迤西之樸樹灣則有參領富明阿統帶馬步兵勇由雙橋進行至高橋伏賊齊出力遏我兵進攻之路參將王巨孝等

帶兵踵至斃賊多名署儀徵縣知縣楊鍾琛帶
勇在土橋堵禦敗賊無路竄逸土橋師船又連
檣下駛賊卽遁回官兵追至外濠施放火箭燒
燬卡房多處東岸則有總兵鞠殿華帶兵由四
里鋪進搭橋緊逼賊壘參將吳奉龍力擣上瓜
州賊巢營總烏爾恭額帶隊繞至尹家橋抄其
歸路前後夾攻殲賊無算是日土橋水營總兵

陳國泰等督帶師船抵瓜州中下各口更番攻
擊賊營房屋望樓均經轟塌斃賊不少臣等以
此次水陸會攻極爲得手亟應迅圖再舉十二
月初二日親督各隊由東西兩岸分路進兵派
千總詹啟綸帶義勇先至賊營誘敵大隊繼進
斃賊四百餘名時馬橋等處亦有賊與參領富
明阿等接仗該逆見官兵四面齊進卽由上瓜

州出援屬聚馬橋一帶富明阿等軍會合夾擊
土橋師船圍泊瓜州賊匪應接不暇敗退回巢
水陸諸軍同時並舉將士齊心上下游舟師尤
能踴躍用命統計各路斃賊一千八九百名臣
等惟有督率各軍凡遇可乘之機卽行勦辦殄
茲醜類再侍衛蘊秀已回揚營現將其援徐馬
隊撥出一起飭赴浦六協防奏入

上諭內閣曰水陸各軍會攻瓜州焚燬卡房船隻疊獲
人勝舟師尤能踴躍統計各路斃賊一千八九百名
勦辦尙爲得手著德興阿等激勵將弁乘勝進攻迅
卽克復瓜州盡殲醜類

十八日辛丑何桂清奏言南陵寒亭水陽灣沚等

處逆援仍圖竄併甯郡十一月二十六七八九
等日逆衆麇聚桃花園團山妙葛山麒麟山等

處鄧紹良親督副將蕭知音侍衛胡鳳鳴知府
仲孫懋等軍分路進攻各有斬擒其城中之賊
分出二千餘人撲我東門外營盤鄧紹良令吳
再升等從東南路分隊截殺賊窟八巢十二月
初一日鄧紹良進兵妙葛山逆衆伏巢死拒其
南門外向有賊卡三處悍賊數千屯踞先經鄧
紹良密飭胡鳳鳴遣敢死之士濶八城中於是

夜縱火焚賊資糧卡內之賊正在蒼黃失措鄧
紹良復飭各營帶火器於三更時銜枚疾走拋
八卡內一面乘勢衝殺賊卡三處同時焚燬斃
賊不計其數餘孽竄併妙葛山初二日鄧紹良
派隊往攻更番壘擊斬首二千餘級撤隊後間
諜回營知城中焚糧後賊勢甚蹙鄧紹良卽於
酉刻督令各軍前往攻城直逼城下沿城賊棚

賊卡經我軍槍礮圍環燒燬淨盡蘇朝清帶勇
數十人先從東門踴躍登城周萬遠曾得勝等
亦從東西兩門而上蕭知音仲孫懋楊國正申
明照轟散守城之賊而以賊礮旋轉返擊殲僞
丞相朱鳳魁於陣逆衆奪路狂奔我軍奮勇勦
洗餘逆逃出南門鄧紹良復派隊追擊全股勦
除卽於初二日亥刻克復甯國府城查本年八

春以後大江左右軍情疊變浙師援救廣信會
勦東壩保護建平並攻復休甯祁門婺源黟縣
太平涇縣茲又克復甯國府城所有出力文武
員弁兵勇容與提臣鄧紹良查明併案保奏道
員胡元博於甯國失守時未能先事豫防此次
辦理糧臺得力功過相抵應毋庸置議臬司慶
廉總司糧餉兼顧四安廣德防務臣不敢沒其

徵勞相應隨摺聲明奏八

上諭內閣曰皖南官兵連獲大勝克復甯國府城前任
浙江巡撫何桂清不分畛域撥兵籌餉攻復休甯祁
門婺源黟縣太平涇縣茲又克復甯國府城實屬調
度有方加恩著賞戴花翎浙江提督鄧紹良身先將
士力拔堅城加恩著賞還花翎道員胡元博於甯國
失守案內本有應得處分此次辦理糧臺出力功過

尙足相抵著免其置議浙江按察使慶廉總司糧餉兼顧防務亦屬著有微勞著交部從優議敘其餘出力員弁兵勇著何桂清會同鄧紹良查明保奏

二十日 癸卯 福濟鄭魁士奏言查潛山縣與桐城

安慶太湖接壤江西湖北之賊皆取道於此最爲險阻臣等以正兵攻桐城當以偏師取潛山使賊首尾難顧中路一軍知府李元華等十二

月初一日行抵龍井關該逆紮營二座阻我進
兵我軍奮勇爭先將賊營躡平斃賊七百餘名
東路一軍甫過廬鎮關賊卡百餘人旋即驚散
初二日由源潭鋪進勦該逆紛紛逃竄西路一
軍行至天堂附近之主簿園該逆拌死抗拒汪
龍化奮勇當先各兵皆以一當百立將賊寨燒
燬臣等以三路既皆得手亟當乘勝進攻飭令

拔隊直抵城根初三日文錫璿與東路官兵已抵賊營極力攻擊約斃賊八百餘名將東門外賊營平毀史克寬會同西路官兵已抵西門李元華等已抵北門外賊營千總張照青等填濠直進截殺一百餘人將北門外賊營躡毀徐振卿等於四門豎立雲梯翻城而進殪賊無算南門竄出餘賊三百餘名復經我軍擒斬殆盡當

將潛山縣城克復查潛山自咸豐三年冬間被賊竄踞其時以盧舒未復無可設法今幸大兵進剿斬關奪隘克復堅城兵事大有轉機在事尤爲出力之知府李元華等開列懇請分別獎勵其餘出力員弁兵勇團練容臣等查明保奏外委夏鳳臺力戰陣亡請

飭部從優議卹奏入

上諭內閣曰安徽潛山縣久被賊踞茲以分兵進剿迅克堅城辦理尙屬得手知府李元華著賞戴花翎並交部從優議敘千總徐振卿著以守備儘先拔補並賞戴花翎儲開元著以守備儘先拔補並賞戴藍翎武舉韓元鼎劉開元均著以千總儘先拔補並賞戴藍翎陣亡外委夏鳳臺著交部從優議卹其餘出力員弁兵勇團練著福濟等查明保奏

二十一日甲辰官文胡林翼奏言十一月二十六

日李續賓仍由黃郡南渡會合富新巴克坦布
及臣營知府邢高魁所派各軍進剿大冶該縣
本無城池賊難竊踞知縣岳屏環率團衆會合
我軍搜斬餘匪卽日直擣興國先是臣胡林翼
於九月內商同湖南撫臣駱秉章派道員王鑫
駐軍通山已豫斷賊之後路而李續賓又以屢

勝之軍馬步齊攻勢如破竹賊遂不支開城而
出我軍卽乘勢攻入斃賊約一千餘名將興國
州城克復卽以邢高魁領軍駐城搜伏辦團窮
治土匪李續賓會督馬步由江西瑞昌一路追
勦直達九江此二十六至二十九等日收復大
冶興國鄂省兩岸肅清之情形也臣楊載福於
十一月二十五日克復黃州是夜卽率水師下

駛二十六日行抵蘄州隨派正後營易景照新

右營丁泗濱攻城斃悍賊二十餘名賊仍入城

拒守楊載福於三更後飭兩營持火器火繩登

岸進攻列炬如星而以千餘水師從中路轟城

斬殺頗多賊卽遁走遂復蘄州其時署蘄水縣

知縣劉槩等團勇連日殺賊將蘄水縣城同日

收復二十八九等日水師由廣濟追賊至九江

見城下賊泊礮船五十餘號對岸小池口泊二十餘號其輜重船約三四十號江岸護以礮壘臣楊載福令丁泗濱萬化林兩營從中流衝下以抄攻兩岸賊船之尾王明山易景照兩營分擊其腰李濟清張啟基兩營迎擊其首餘營上下截擊斃賊無算賊棄船入壘死拒我軍併力以攻其壘賊又棄壘入城賊船除焚燬外悉爲

我有九江以上之賊船片帆不返十二月初二日都興阿以其馬隊大捷於曹家河克復廣濟此十一月二十六至初二等日攻復蘄州蘄水廣濟又水師大捷於九江奪獲賊船之情形也查楚境江面一律肅清兩岸均已蠲定惟須窮治從亂之莠民撫馭瘡痍整飭吏治乃可善後曾國藩於十月內密約臣等以武漢克復速派

水陸各軍先攻九江內湖水師亦期迅速會合
等語臣思武漢黃三府甫經收復應辦事宜頭
緒紛繁勢難置省垣於不顧都興阿楊載福李
續賓均已東下臣又檄飭參將鮑超改由北岸
直趨小池口以瞰九江對岸統歸都興阿節制
必可得力此次出力員弁兵勇可否由臣擇尤
另案彙保出自

恩施奏八

上命軍機大臣傳諭曾國藩文俊曰楚北官軍自攻克
武漢黃三郡後連次收復大冶興國蘄州蘄水廣濟
城池楊載福等率領水師直抵九江大獲勝仗該逆
棄壘入城九江以上之賊船片帆不返胡林翼復飭
參將鮑超由北岸趨小池口以瞰九江對岸統歸都
興阿節制如果江西內湖水師力能會合則潯城不

難卽拔前據曾國藩等奏該省各路軍情似有起色
上下游水營均能得力現在楚兵疊勝機會可乘亟
宜激勵將弁由湖出江與楊載福都興阿水陸之師
兩路夾攻俾九江賊匪應接不暇而克復後亦不致
內竄各郡勿得專恃客兵致誤事機

上諭內閣曰此次湖北水陸各軍將沿江州縣迅速攻
復水師已達九江連獲大勝江面賊船盡行焚奪所

辦甚屬得手楚境沿江業已肅清仍著官文胡林翼等督飭各軍迅卽乘勝攻克九江府城以扼江而而圖進取此次出力員弁兵勇准其擇尤保奏

二十三日

丙午

命軍機大臣傳諭福濟秦定三鄭魁士曰鄭魁士係奉旨督剿擒匪之員前因桐城克復在卽是以暫留該處今桐城旣未能卽克而北路事機正在喫緊鄭

魁士徒事逗留必至兩失福濟已到桐城即可攻剿
桐城東南鄭魁士著卽前赴蒙城一帶不准再有遷
延致滋貽誤

二十五日 戊申 官文胡林翼奏言上游各路敗賊

盡竄黃梅其盤踞唐家山孔隴驛小池口等處
水陸賊營聯絡二百餘里十二月初九日我軍
由大河鋪進攻黃梅逆賊五六千人出城抗拒

都興阿率翼長多隆阿等馬隊直入賊陣斃悍
賊百餘名賊勢不支適王國才率石清吉等兵
勇攀堞而登與賊酣戰賊由東門棄城逃竄我
軍追殺二十餘里當將黃梅縣城克復是日都
興阿由沿江一路派營總祿昌攻孔隴驛以牽
小池口賊勢焚燬賊卡多處初十日孔廣順駐
守黃梅派兵至宿松太湖毗境搜剿伏匪多名

探聞逆賊盡踞楚皖連界之福林子地方賊數
不下四五萬揚言回撲黃梅都興阿駐兵新凱
鎮以扼其衝查黃屬敗賊盡竄安徽宿松一帶
道路紛歧防不勝防現於各要隘駐兵扼守搜
捕餘孽趕辦團練保護地方至小池口與九江
對岸賊築堅壘爲兩岸犄角之勢已飭水陸各
軍痛加勦洗再行會攻九江臣等當慎之又慎

先清後路餘匪節節掃蕩一俟壽城報捷分別
接江達皖相機布置奏入

命軍機大臣傳諭官文胡林翼曰湖北上游各路敗
匪盡竄黃梅唐家山孔隴驛小池口等處賊營聯絡
我軍水陸並進克復縣城事機順利惟該逆尙踞楚
皖連界之福林子地方必須謀定後戰爲一鼓殲除
之計不可令敗竄餘匪抄我後路致有挫失小池口

賊壘與九江互爲犄角我軍早爲攻克則潯城不難克復現在官文尙在漢陽胡林翼駐紮武昌辦理善後卽日移師東下該大臣等何人前進何人留守地方著卽豫籌速奏總期步步爲營將本境餘匪盡數掃除然後水陸進攻庶不致再蹈從前覆轍

上諭內閣曰湖北黃梅縣城克復黃梅興國以上南北兩岸肅清此次出力人員著官文等彙案保奏

官文胡林翼又奏言武漢民多歸業臣現飭文武員弁窮搜餘孽趕辦團防當此餉項支絀亟須酌撤兵勇以節虛糜除下游得力兵勇並武漢兩城彈壓守禦酌留二三千名外其應撤遣者萬餘人量給川資以免沿途肆擾又糧臺分設糜費較多現議併歸武昌省城由臣胡林翼督同藩司經理所有防剿及裁撤兵勇口糧川

上是之

資由臣胡林翼總局一體酌發臣官文隨營糧
臺卽於年底截止以歸畫一奏入

同日和春奏言據甯國道府稟報十二月初二
日官兵進攻甯國卽於是夜將郡城收復查甯
國旣復東壩高瀆建平等處防堵情形較緩惟
溧水久爲賊踞亟須趕緊進攻以圖克復應將

米興朝防守建平之兵勇一千餘名周天培駐守東壩之鎮勇四百名楊冠孫帶赴高瀆之義勇六百九十名共二千餘名一併調赴溧水歸傅振邦調遣以資得力奏入報

聞

三十日

癸丑

福濟鄭魁士奏言據探武昌漢陽甯

國各路敗匪約有三四萬人由樅陽土橋裕溪

等江口竄入桐城含山無爲巢縣處處喫緊防
不勝防臣等於無可抽撥之中派同知秦榮成
福等分路堵禦已屬不敷布置而收復地方如
和州巢縣廬江無爲潛山等州縣均須派兵駐
守疊請添兵各省均未允撥察哈爾馬隊六百
名能否催赴桐營抑或就近另撥俾臣等得資
勦辦出自

聖裁奏入

上命軍機大臣傳諭英桂曰據福濟等奏稱武漢甯國
敗匪約有三四萬人竄入桐城安徽各處防不勝防
且和州等州縣收復後又須增兵防勦兵力實形單
薄所奏自係實情前諭英桂派穆騰阿帶察哈爾馬
隊五六百名前赴安徽嗣經英桂奏請暫留北路今
皖省需兵甚急著英桂卽遵前旨迅將此項馬隊交

穆騰阿如數帶往以資攻剿